



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN

Numri i lëndës: 2022:000084

Datë: 25.01.2022

Numri i dokumentit: 02643227

PKR.nr.01/2022

NË EMËR TË POPULLIT

Gjykata Themelore në Prizren, Departamenti për krime të rënda, gjyqtari njëherit edhe kryetari i trupit gjykues Xheladin Osmani, me sekretaren juridike Teuta Spahija, në lëndën penale kundër të akuzuarit Sh.M., nga të Korçës, R. e Shqipërisë, për shkak të veprës penale mbajtja në pronësi, në kontroll në posedim të paautorizuar të armëve nga neni 366 par.1 i KPRK-ës, duke vendosur sipas aktakuzës së Prokurorisë Themelore në Prizren, Departamenti për Krime të Rënda PP/I.nr.303/21, e dt.13.01.22022, pas mbajtjes së seancës fillestare me datën 25.01.2022, në praninë e prokurorit të shtetit Genc Nixha, të akuzuarit me mbrojtësin, av.B.Sh., po të njëjtën ditë publikisht muar dhe shpalli këtë:

A K T G J Y K I M

I akuzuari **Sh.M.**, nga i ati dhe e ëma, me mbiemër të vajzërisë, i lindur me datën, në, me vendbanim në fshatin të, shqiptar, shtetas i Republikës së Shqipërisë, tani me vendqëndrim edhe në Pejë, ka të kryer shkollën e mesme, punëtor në firmën “.....” në, beqar, i gjendjes së dobët ekonomike.

Ë S H T Ë F A J T O R

Ka mbajtur në pronësi armën në kundërshtim me Ligjin e Zbatueshëm lidhur me armët e tilla, ashtu që nga data e pavërtetuar e deri me datën 31.12.2021, në fshatin Vërmicë, Komuna e Prizrenit, duke tentuar që ilegalisht të kalonte kufirin Kosovë-Shqipëri, në çantën e krahut e ka mbajtur të fshehur pistoletën e tipit “The British Bull Dog”, me nr. serik 3091, me kalibër 7.65 mm, me dy fishekë të kalibrit të njëjtë, për të cilën nuk ka pasur leje nga organi kompetent.

-Këso dore kryen veprën penale, mbajtja në pronësi, në kontroll, në posedim të paautorizuar të armëve nga neni 366 par.1 i KPRK-së.

Andaj, Gjykata në bazë të nenit 7,8,9,10,40,43,69,70,71,72 të akuzuarin Sh.M.,

G J Y K O N

Me dënim me gjobë në shumen prej 700 (shtatëqind) euro, ku do t'i llogaritet edhe koha e kaluar në paraburgim të datës 31.12.2021 gjer më datën 25.01.2022.

Meqenëse i akuzuari ka qenë në masën e paraburgimit prej datës 31.12.2021 gjer më datën 25.01.2022 që do të thotë gjithsej 26 ditë kjo kohë do të llogaritet në dënimin e shqiptuar, prandaj obligohet i akuzuari që shumën e mbetur të dënimit prej **180 (njëqindetëdhjetë) euro, ta paguaj në 3 (tri) këste mujore duke filluar nga dita e plotfuqishmërisë së këtij aktgjykimi.**

Nëse i akuzuari nuk dëshiron apo nuk mundë të paguaj dënimin me gjobë, gjykata mundë të ia zëvendësoj dënimin me gjobë me dënim me burg, ashtu që për çdo 20 Euro të dënimit me gjobë do ti caktoj një(1) ditë burgu,

Gjykata, në bazë të nenit 282 par. 2.1 të KPP dhe nenit 366 par.3 të KPRK-së, të akuzuarit Sh.M., i konfiskohet pistoletën e tipit "The-British Bull Dog", me nr. serik 3091, me kalibër 7.65 mm, me dy fishekë të kalibrit të njëjtë,

Obligohet i akuzuari të paguajë paushallin gjyqësor në shumen prej 30 Euro, në afatin prej 15 ditëve, nga dita e formës së prerë të aktgjykimit.

Në bazë të qarkores së Gjykatës Supreme të Kosovës për zbatimin e Ligjit nr. 05/L-36, për kompensimin e viktimave të krimit të dt.30.01.2018, obligohet i pandehuri që konform nenit 39 të Ligjit të lartë cekur të paguajë shumën prej 50 € (pesëdhjetë) në Fondin për Kompensimin e Viktimave të Krimit.

A r s y e t i m

Prokuroria Themelore në Prizren, Departamenti i Përgjithshëm ka ngritur aktakuzë, PP/I.nr.303/21 e dt.13.01.2022, kundër të pandehurit Sh.M., nga i, Republika e Shqipërisë, për shkak të veprës penale mbajtja në pronësi, kontroll ose në posedimi të paautorizuar të armeve nga neni 366 par.1 të KP-së,

Aktakuza në fjalë gjatë seancës fillestare e ka përfaqësuesi Prokurori i shtetit Genc Nixha, i cili propozojë që seanca fillestare të mbahej dhe të veprohet konform dispozitave të KP, nga se aktakuza është bazuar me provat e pranueshme.

Në seancën fillestare, i akuzuari u udhëzua në kuptim të nenit 246 të KPP për të drejtat e tij dhe pasi që të drejtat e tija janë respektuar, pas leximit të aktakuzës, i akuzuari ka kuptuar aktakuzën i është ofruar mundësia e tij të pranojë fajësinë dhe pas konsultave me mbrojtësin e tij, i njëjti ka pranuar fajësinë në të gjitha pikat e aktakuzës.

Kryetari i trupit gjykues vërtetoi se i akuzuari ka kuptuar natyrën dhe pasojat e pranimit të fajit dhe se pranimi është bërë vullnetarisht, pastaj pranimi është mbështetur në faktet e çështjes që përmban aktakuza, nga materialet e prezantuara nga prokurori i

shtetit dhe provat tjera dhe se aktakuza nuk përmban asnjë shkelje të çart ligjore ose gabime faktike, i akuzuari e pranoi fajësinë në të gjitha pikat e aktakuzës dhe atë pas marrjes së mendimit të prokurorit, dhe vet të akuzuarit, mori vendimin mbi pranimin e fajësisë e pastaj është vazhduar me shqiptimin e dënimit.

Me vet pranimin nga ana e të akuzuarit Sh.M., dhe nga shkresat e lëndës, është vërtetuar në tërësi se ka mbajtur në pronësi armën në kundërshtim me Ligjin e Zbatueshëm lidhur me armët e tilla, ashtu që nga data e pavërtetuar e deri me datën 31.12.2021, në fshatin Vërmicë, Komuna e Prizrenit, duke tentuar që ilegalisht të kalonte kufirin Kosovë-Shqipëri, në qantën e krahut e ka mbajtur të fshehur pistoletën e tipit "The-British Bull Dog", me nr. serik 3091, me kalibër 7.65 mm, me dy fishekë të kalibrit të njëjtë, për të cilën nuk ka pasur leje nga organi kompetent.

Gjykata, gjatë shqiptimit dhe matjes së llojit dhe lartësisë së dënimit, pati parasysh të gjitha rrethanat që ndikojnë në zgjedhjen e llojit të lartësisë së dënimit, duke e gjetur si rrethanë rënduese rrezikun shoqëror, shkallën e rrezikut të vlerës së mbrojtur, ndërsa si rrethanë posaçërisht lehtësuese është marrë sjellja korrekte gjatë tërë procedurës, pranimin e fajësisë, dhe gjerë më tani i padënuar, për këtë gjykata ia shqiptoi dënimin me gjobë si në dispozitiv të këtij aktgjykimi, e bindur se edhe me këtë do të arrihet qëllimi i dënimit.

Vendimi mbi konfiskimin e sendit është marrë në kuptim të nenit 282 par. 2.1 KPP dhe nenit 366 par.3 të KPRK.

Vendimi mbi paushallin gjyqësor gjykata e bazoi në dispozitat e nenit 450 par.2.6 të KPP-së.

Vendimi mbi kompensimin e viktimave të krimit është marrë në bazë të Qarkores së Gjykatës Supreme të Kosovës për zbatimin e Ligjit nr.05/L-36, për kompensimin e viktimave të krimit të dt.30.01.2018.

Andaj, nga të cekurat si më lartë është vendosur si në shqiptim të aktgjykimit.

GJYKATA THEMELORE NË PRIZREN
Departamenti për krime të rënda
PKR.nr.01/2022 me date: 25.01.2022

Sekretarja juridike,
Teuta Spahija

Kryetari i trupit gjykues,
Xheladin Osmani

UDHËZIM JURIDIK: Kundër këtij aktgjykimi palët kanë të drejtë të ushtrojnë ankesë në afat prej 15 ditëve, nga dita e pranimin, nëpërmjet kësaj Gjykate për Gjykatën së Apelit në Prishtinë.